



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

N 322-Ա/2

12.03.2020թ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ ՊԱՏՎԵՐՈՎ ԻՐԱԿԱՆԱՑՎՈՂ
ՄՇԱԿՈՒԹԱՅԻՆ ԾՐԱԳՐԵՐԻ ՄՐՅՈՒՅԹՆԵՐԻ ԱՐԴՅՈՒՆՔՈՒՄ ՀԱՂՈՂ
ՃԱՆԱԶԿԱԾ ԾՐԱԳՐԵՐԻ, ԻՐԱԿԱՆԱՑՆՈՂ ԿԱԶՄԱԿԵՐՊՈՒԹՅՈՒՆՆԵՐԻ ԵՎ
ՀԱՏԿԱՑՎՈՂ ԳՈՒՄԱՐՆԵՐԻ ՑԱՆԿԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2020 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետով, ինչպես նաև հիմք ընդունելով Հայաստանի Հանրապետության կրթության, գիտության, մշակույթի և սպորտի նախարարության պատվերով իրականացվող մշակութային ծրագրերի «Մշակութային կրթության ստեղծագործական նախագծեր և միջոցառումներ», «Թատերարվեստի ստեղծագործական նախագծեր և միջոցառումներ», «Երաժշտարվեստի և պարարվեստի ստեղծագործական նախագծեր և միջոցառումներ», «Կինոարվեստի ստեղծագործական միջոցառումներ», «Տեսարվեստի ստեղծագործական նախագծեր և միջոցառումներ», «Այլ մշակութային նախագծեր և միջոցառումներ», «Ոչ նյութական մշակութային ժառանգության նախագծեր և միջոցառումներ», «Գրականության հանրահռչակմանն ուղղված նախագծեր և միջոցառումներ» և «Թանգարանային և գրադարանային ոլորտների նախագծեր և միջոցառումներ» անվանակարգերի մրցութային հանձնաժողովների նիստերի արձանագրությունները՝

Հ Ր Ա Մ Ա Յ ՈՒ Մ Ե Մ

1. Հաստատել Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ նախարարություն) պատվերով իրականացվող մշակութային ծրագրերի մրցութային արդյունքում հաղթող

ճանաչված ծրագրերի, իրականացնող կազմակերպությունների և հատկացվող գումարների ցանկը՝ համաձայն հավելվածի:

2. Նախարարության գլխավոր քարտուղարին կնքել պայմանագրեր՝ համաձայն հավելվածի:

3. Նախարարության ժամանակակից արվեստի վարչության և մշակութային ժառանգության և ժողովրդական արհեստների վարչության պետերին

ա. հսկողություն իրականացնել պայմանագրերի, պայմանագրերով սահմանված աշխատանքների կատարման և բովանդակային հաշվետվությունների ներկայացման ժամկետների կատարման նկատմամբ;

բ. պայմանագրերով նախատեսված բովանդակային հաշվետվությունները ստանալուց հետո 10 աշխատանքային օրվա ընթացքում դրանց վերաբերյալ եզրակացությունները տրամադրել ֆինանսաբյուջետային վարչությանը;

գ. մինչև պայմանագրերի գործողության ժամկետների ավարտը նախարարության գլխավոր քարտուղարի հաստատմանը ներկայացնել պայմանագրերով նախատեսված աշխատանքների կատարման վերաբերյալ հանձնման-ընդունման արձանագրությունների նախագծերը և բովանդակային հաշվետվությունները:

4. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալներ Ա. Խզմալյանին և Ն. Խաչատուրյանին:

ՆԱԽԱՐԱՐ՝

ԱՐԱՅԻԿ ՀԱՐՈՒԹՅՈՒՆՅԱՆ

X